

乾隆戊戌年鐫

富平縣志

縣署藏板

富平縣志叙

傳曰志者記也所以積記其事也周禮邦國之志小史掌之而地圖方志則土訓誦訓詔觀焉漢書首志地理其折之為一方也自山謙之南徐沈懷文之南越始厥後伯



者不之流傳而善本蓋不數覲夫縣令職在一邑狀即此百里之內必使古今疆索之殊致山川民物之異且利病沿革貫弗于中而後舉措設旋各職于理則方志者固亦輔相裁成之一事也余荷

恩命簡任對圻巡撫關內今
六稔于茲美其間政事治急
之原民生休戚之本因革損
益率已得其綱要朕憊憊徵
諸志乘習故沿謠來免有遺
憾焉因恩國家稽古右文而
關中為豐

鎬遺區聲教更易于漸被前
歲丙申入
覲持為
奏請先將府志重加修纂荷
蒙
俞允秉節西旋即諭各郡甄
錄事實延請媿雅之材為事

編訂而各州縣乃亦相率以
請復惟郡志所載皆州縣事
也州縣修明郡志將益徵美
豳焉未幾而富平吳令六鰲
所輯先蕝厥事以成書來上
復請叙以弁其首吳令向宰
鳳翔府屬之寶雞縣前時用

兵全川其地為入蜀咽喉
軒絡繹徵調頻煩余往還
雲棧駐節斯邑者兩月餘時
適大發京旅車馬芻芟動以
數萬計俱萃集棧口吳令盡
心經理以至寢食俱廢一切
籌畫周詳支應賴以無誤過

師如在枕席凱旋後因以其
才列薦于
朝仰荷
優叙調任斯土夫富平為西
安左掖班固謂其北當上郡
西河數郡之湊號稱煩劇今
甫莅止一載有餘修明政教

四

之暇復能條舉廢墜有事于
茲聞披覽之其中發凡起例
文則簡要而事漫諛綜揆之
孫恭介喬明府先後所修駸
駸乎乃軼而上之洵其才具
有過人者抑余聞之古者州
郡圖志唐時三年一上宋則

閏年一上今
國家重修統志方成數省而
四庫館亦未竣事他時關內
諸郡次第成書將仿古形方
訓俗之意上之館閣用備西
清東觀之儲俾知周原之內
宰百里者從政之暇尚能裒

五

飾文具如古文翁景毅王阜
馮仇其人為長吏者亦
與有榮旋也國其請并書以
示之時
乾隆歲次戊戌冬十月朔
賜進士及第兵部侍郎兼都
察院右副都御史巡撫陝西

西安等處地方贊理軍務兼
理糧餉加五級鎮洋畢沅撰



富平縣志序

六鰲於乾隆丙申歲八
覲返秦次年丁酉春二月奉
命簡調頻陽臨行謁 大中丞
畢公訓曰富平有修志之
役爾其矢公矢慎毋漏毋
支以歲厥事敬攝其命以

序一

行既莅任考舊志明神宗
時創自邑人恭介孫公今
上御極之五年前令偃師喬君
履信 繼纂之迄今幾四十
載丙申冬邑紳耆以重修
請前令永濟崔君龍見報
寂入都攝事者武進莊君

所具牘上申崔歸將經始
尋擢乾州牧而鰲適承乏
曰申諭邑中搢紳父老凡
有見聞及所願欲而不得
者勿隱勿拘悉呈於上公
餘之暇復以其事詳加諮
訪隨時纂錄務令事增文

序二

省足以信今而傳後涓期
肅館偕邑中同志商權延
博雅者參訂之計若干卷
若干門閱數月告竣夫以
修志之難也與作史等劉
知幾才學識三長之說不
可關一六鰲下車伊始案

贖禁如常端二焉以弗克
勝任是役為懼無稽勿聽
弗詢勿庸恣心考索以期
無失乎微文考獻比事屬
詞之實雖自維譎陋未能
踵武前人而疆域之沿革
賦役之盈朒與夫吏治官

序三

方典章文物之向化從風
亦略備焉方今

聖天子重熙累洽文教覃敷廢
者修墜者舉凡

朝廷德化 各大憲所以整飭
紀綱以有裨於茲邑者志
於志中寓之炳二焉即斗

城下邑讀其書猶仰見道
一風同極王者無外之模
况頻陽為閩輔與區舊章
新緒尤有隆然日盛者乎
書成上節署 大中丞復
加鑒定提要鈎元倍臻美
備爰付棗梨俾後之有司

序四

洎此邦人士咸知倡於孫
修於喬而續纂於今以成
紀載之大備者出自 當
代宗工之裁正亦邑中諸
君子贊襄之力也於是乎
書

乾隆四十有三年歲次戊

戊如月知富平縣事江右
吳六鰲撰



序五

鑒裁

富平縣知縣加五級又軍功加六級隨帶紀錄六次吳六鰲

江西宜黃人
壬申舉人

纂輯

戶部江南司主事胡文銓

順天大興人
乙未進士

編次

原任湖南淑浦縣知縣張克家

原任江西長寧縣知縣竇鳳輝

邑生員曹暉吉

富平縣志

姓氏

一

協編

原任福建崇安縣知縣王吉士

叅閱

富平縣縣丞軍功加二級隨帶又軍功紀錄三次秦恭

校訂

富平縣儒學教諭保舉知縣軍功加一級楊著蕃

富平縣儒學訓導史傅

督刊

吏目借補富平縣典史裘肇業

採訪

徐州河務同知孫步雲

山西太原府嵐縣知縣張灝

廣東試用知縣趙夢麟

江西袁州府經歷王振基

江南宜興縣縣丞何其穎

保舉孝廉六品頂帶孫文達

鹽大使趙經宇

漢中府儒學教授楊士昇

洮州衛教授王德華

涇州儒學學正權鏢

富平縣志

姓氏

二

舉人借補白河縣訓導支始條

舉人借補郿縣訓導閻汝霖

舉人借補洵陽縣訓導吳韶

舉人借補洋縣訓導李轍

舉人借補朝邑縣訓導李時雋

舉人李棟隆

舉人强秉心

舉人雷 宣

舉人郭 巖

武舉李容端

副貢生楊伯魯

拔貢生翟 籥

貢生邵樞立

貢生楊 黼

監生石漢宰

監生齊 益

監生竇士毅

監生竇振裕

生員俱孝宗

生員朱 綸

富平縣志

姓氏

三

生員陳重紀

生員楊翊清

生員馬克莊

富平縣志目錄

卷之一

地理

山川

疆域

沿革

形勝

卷之二

建置

城池

公署

倉局

學校

壇壝

卷之三

貢賦

田賦

驛舖

屯衛

卷之四

水利

卷之五

富平縣志

目錄

一

職官

卷之六

選舉

封廕

卷之七

人物


名宦

鄉彥

節烈

卷之八

藝文



富平縣志

繪圖







富平縣志

繪圖

三






學宮圖


富平縣志

繪圖

四




縣署圖



富平縣志

繪圖

五






南湖書院圖



富平縣志

繪圖

六



吳原水署圖



邑藍生東景宏繪

富平縣志卷之一

地理志

邑志總目有八先之地理者古者建邦設都分土
 為先有地而後有邑有邑而後若建置若貢賦若
 水利若職官若選舉若人物若藝文可次第舉也
 地理之屬維何曰星野曰疆域曰山川曰風俗曰
 祥異首星野以星之與土精氣相屬言地必本於
 言天也分疆畫野封山濬川皆度地居民者所有
 事也故疆域山川次之風俗因人祥異因時不盡
 本乎地者也而皆係之以地理蓋沃土民富瘠土


富平縣志

卷之一

地理

一

民勞自有淫有思而災祥出乎其中矣作地理志
 第一



按周禮保章氏以星土辨九州之地富平古周秦地禹貢雍州之域漢書地理晉書天文帝王世紀諸書皆言秦地井鬼分野屬鶉首論南方之星其精朱鳥井爲首鬼爲目富於秦片壤耳概曰井鬼躔次度數微焉渺焉奚以仰觀俯察鏡得失而惕修省歟喬志斷以一行兩戒之說叅諸星聚彗掃之驗繪井不及鬼無疑義矣劉誠意云商洛漢洮甘寧鄜葭不出井之九度涇渭以南井一其北井二由此推之富其井初二度中之一分乎

富平縣志

卷之一

地理

二

疆域 沿革及形勝附

富平縣治在西安府東北一百二十里東至莊子鎮蒲城縣界四十里至蒲城縣治九十里西至覓子鎮三原縣界四十里至三原縣治六十里南至長收原臨潼縣界二十里至臨潼縣治九十里北至底店鎮同官縣界六十里至同官縣治一百二十里東南至關山里蒲富臨渭四縣界四十里西南至瓦窯頭三原縣界三十里東北至六井村蒲城縣界九十里

舊稱東北至蒲城界四十里按

富平東至莊子鎮蒲城界四十里東北九十里抵六井村始盡其境舊說指莊子鎮稍北面

言
西北至岔口耀州界五十里至耀州治六十
里東北至

京師二千六百里西南至西安府一百二十里編戶
四十里廣八十五里袤八十里周圍三百三十
里

沿革表

本朝

富平縣

虞

雍州地

夏

商

富平縣志

卷之一 地理

三

周

畿內地

東遷後屬秦厲公二十一年置頻陽
縣以在頻山南故名今縣東北六十
里有頻陽故城

秦

頻陽縣

厲公所置始皇兼併後屬內史漢書
始皇二十一年王翦謝病歸頻陽卽
此

西漢

頻陽縣
懷德縣

項羽入關分秦地王三降將頻陽屬
塞高帝二年隸河上郡尋於頻陽西
南置懷德縣卽今懷陽城九年罷河上郡
復爲內史武帝六年分爲左內史太

東漢

頻陽縣

初元年更名左馮翊

蜀魏

頻陽縣

省懷德入頻陽屬左馮翊

仍屬左馮翊

晉

富平縣
頻陽縣

富平隸北地郡頻陽仍屬左馮翊

按北地郡秦置西漢時富平泥陽等十九縣隸焉富有北部都尉治神泉障渾懷都尉治渾懷障地在寧夏之廢廻樂縣界東漢徙治今慶陽府之廢彭原縣界晉於彭原界徙治今縣西北十里懷德故城

富平縣志

卷之一 地理

四

仍隸北地郡與頻陽並治邑有富平之名始此

南北朝

富平縣
土門縣

苻秦以頻陽有二土門因置土門護軍魏太武八年罷土門護軍以其

入同官徙北地郡於泥陽之通川即今

地流曲復以泥陽入富平宣帝元年析

同官置土門罷頻陽西魏文帝五年

自懷德徙富平於今縣西南三里石

川河之陽石婆原廢帝二年以富平

隸宜州今耀後周閔帝二年於縣置

宋	富平縣	元祐三年併富平美原同屬永興路
五代	富平縣	梁復美原屬雍州改鼎州為裕州唐自雍州移富平屬耀州以美原屬同
富平縣志		卷之一 地理 五
唐	富平縣	入華原屬京兆郡義寧二年復析華
隋	富平縣	罷中華郡以富平隸馮翊

	金		元		明		富平縣志
京兆府耀州	美原縣		富平縣		富平縣		
皇統間省富平入美原隸耀州天會九年賜齊天眷元年歸宋後復取之			復富平與美原仍屬耀州至元元年以美原入富平元末守將張思道屯兵壘橋寨依險爲城 <small>治即今所</small>		洪武二年張思道據縣依壘橋徐達經略關中思道遁去達卽壘橋寨爲縣治之屬耀州遂廢唐所徙縣嘉靖中直指梁一魁疏稱富平近府遠州		宜隸西安府叅政趙希夔議以橫孫永浮四里予州仍隸焉都御史傅鳳翔不可叅議復調停令四里力役屬州版籍屬縣民苦奔命萬歷中邑人孫冢宰丕揚率士民白巡撫崔應麟奏改隸西安府至崇貞時復議割四里屬州邑解元劉士龍倡衆白道院寢其事十六年闖寇僞令耿日霽竊據

卷之一

地理

本朝順治二年平之定爲縣屬西安府乾隆元年

題爲繁難要缺乾隆三十五年 題
改爲繁疲難兼三調缺

形勝

頻陽北當上郡西河爲數郡湊

漢薛宣傳

北倚頻山南

限漆沮溝會脈連堤堦鋸鋸

府志

負頻面荆帶以石

温而浮山鳳凰若左右翼非蕞爾一奧區哉

山川

邑之有山川所以阜財物興雲雨高則作鎮下則
爲潤非徒矜奇秀爲觀瞻已也富稱沃壤利甲關
中亦由河山湊集地居上游得建瓴之勢故耳爲

富平縣志

卷之一 地理

七

舉境內山川之最著者詳爲叙列如溝洫河渠等
志必標山水爲識亦倣禹貢首奠山川之意庶流
覽形勝得瞭如指掌焉

荆山在縣西南十里懷德故城南禹貢荆岐旣旅
又曰導沂及岐至於荆山所謂北條之荆山是
也漢書地理志懷德縣禹貢北條荆山在南下
有彊梁原孔傳荆山在岐山東括地志荆山下
名掘陵原史記封禪書黃帝鑄鼎於荆山下帝
王世紀禹鑄鼎於荆山下皆謂此

按禹貢錐指云史記周勃從定三秦賜食邑懷

德尋置懷德縣漢志禹貢北條荆山在南下有
彊梁原帝王世紀禹鑄鼎於荆山在馮翊懷德
之南今其下有荆渠也水經注渭水之北沙苑
之南卽懷德縣故城地理志禹貢北條荆山在
南山下有荆渠卽禹后鑄鼎處也括地志懷德
故城在同州朝邑縣西南四十里富平縣亦有
懷德故城水經注沮水東南歷土門南原下東
逕懷德城南城在北原上又澤泉水東逕懷德
城北東南注鄭渠合沮水此皆富平之懷德城
也通典晉自彭原移富平於今縣西南懷德城

寰宇記懷德故城在今富平縣西南十一里非
漢懷德縣也蓋後漢末及三國時因漢舊名於
此立縣今有廢城存然則荆山當在朝邑縣境
而隋志云富平縣有荆山括地志云荆山在雍
州富平縣今名掘陵原元和志云在富平縣西
南二十五里長安志云在縣西南二十里縣志
云山下有荆渠近渠卽彊梁原也而朝邑並無
之二懷德城未知孰爲西漢之舊縣然以理揆
之有可證者二寰宇記引水經注云洛水東南
歷彊梁原俗謂之朝阪今富平無洛水而朝邑

有洛水歷彊梁原入渭原在荆山下一證也同
州志云華原在朝邑縣西繞縣西而北而東以
絕於河古河壩也一名朝阪亦謂之華原山蓋
華原卽朝阪朝阪卽彊梁原荆山之麓直抵河
壩昔大禹治水從此渡河故書禹貢曰至于荆
山逾于河若富平則東距河二百餘里與經意
不合二證也朝邑實西漢之懷德荆山當在其
境唐人之所以致誤者蓋由先儒謂漆沮卽洛
水而澤泉逕富平懷德城北東南絕沮注濁水
得漆沮之名遂以此爲漢志東南入渭之洛并

荆山亦移之富平耳余按禹貢錐指援据諸說
謂荆山當在朝邑而一統志又云水經注括地
志俱以懷德故城在今同州朝邑界寰宇記亦
謂在富平者爲漢末僑置然漢志懷德有荆山
而括地志寰宇記諸書皆謂山在富平亦自相
矛盾今荆山實在富平而朝邑無之姑並存其
說以俟考

錦屏山在縣西北三十五里上有王將軍翦廟又
名將軍山其傍爲高陽峯一名走馬嶺在邑子
山東一里折而東南十里爲蟠桃山其上有三

泉又東北三里爲老君山一名鐵牛山南麓有鐵牛洞泉水出焉附起者爲牡丹山北三里爲左眼山山之右有老君洞又東二里爲石窩山山北有盆傾峪車鞦韆廣十丈西里許有牛窩容可百夫又東二里爲底店山一名立地山三泉峪在其下北爲中嶺其下出泉流止一里東三里爲龍眼山下有藥泉峪多藥草

頻山一名明月山在縣東北七十里秦時於山南置頻陽縣頻水出焉應劭云秦置縣於頻水之陽是也今爲大石小石二澗水經注頻陽城北

富平縣志

卷之一

地理

十

有頻山上有漢武帝殿以石架之隋書地理志華原有頻山元和志美原縣西北十一里有頻山南麓建頻山神廟有泉禱雨輒應中一阜數畝許九山環抱若拱唐庾信有銘載藝文山西北麓一峯陡出爲堡子山北爲千尺崖壁立百仞鳥道一隙東西五丈南北當東西什之一下有千尺泉東麓名趙老峪相傳天順時趙姓僧棲其上土門山在縣西北五十里卽岔口東山折而東北十里爲紫金山一名虎頭山

按通志謂土門卽頻山不知頻山在縣底店中

嶺龍眼名山東北岔口係富耀接壤處在縣西北相去百餘里土門非卽頻山判然矣喬志辨之附錄於後 考元和志頻山有二土闕狀似門後魏以名縣通志遂以土門山爲卽頻山云在縣東北七十里而謂舊志指岔口東山爲誤不知元和志特指頻山之形狀言之未嘗明言頻山爲土門山水經注漆沮水歷土門南原下東逕懷德城南以今漆沮河道言之則出耀州境卽由岔口而東逕懷德故城南正所謂歷土門南原者是也若謂土門卽頻山則漆沮河安

得折而東北逕頻山乎又杜甫詩我經華原來不復見平陸北上惟土門連天走窮谷華原卽耀州甫經華原來故北上土門不見平陸也若自華原至頻山則一望平原幾百里矣又安得云不復見平陸乎故知通志之誤而土門卽岔口東山爲確

玉鏡山一名金絲山兩傍峪如兩門東爲玉女山又東有小石谷山巔之陽鑿其半東西二百步南北半之世傳苻堅作離宮於此

月窟山一統志在縣北四十里山巔有泉不涸亦

不溢深數仞旱禱必應萬歷間有僧夜聞空中
絲竹聲漸逼泉所近視則無南三十步有王石
洞相傳王仙隱處右有玉女洞左有仙人洞深
俱不測東有古蜂洞在懸崖中蜜流如瀑

金甕山在月窟山東唐書地理志縣北五十里有
金甕山賈志一名虎山狀如虎踞

檀山一作壇唐書地理志在縣西北二十五里旁爲

邑子山以北鄰邑山此山小若子然故名

天乳山寰宇記在縣西北二十五里雍大記兩山
相對類於乳形

金粟山一名紫金山又名菩薩山通志在縣東北
九十五里上有龍泉每歲清明人多取其水以
祈年又謂之靈泉山山之左有碧雲洞

石疊山一名樓子山通志在縣東北山腹削崖若
臺可登眺山之東爲大水峪峪東卽萬斛山

萬斛山通志在縣東北九十里石如斗斛者數萬
又西北二十里爲熨斗坪

岳山一統志在萬斛山北三十里左右二泉湧出
其東麓爲石陂峪接蒲城縣界

中山方輿紀要在縣西北二十五里下有萬泉湧

出由樹連坊而南經縣治爲彊梁原卽西魏置
富平縣處

揣天山通志在玉鏡山北又西一里爲星宿坡石
有跡如星日故名東爲小水峪西崖有洞風從
孔出名風洞

邑山一名椅子山府志在縣西北五十里其形如
椅東五里爲五龍山山陰五泉合流成小河水
不出山出則旱山居者皆仰汲焉

龍泉山 按唐永泰初吐蕃寇富平
焚龍泉山定陵殿卽此 一名鳳凰山又

名屏風山唐書地理志縣北二十里有龍泉山元

富平縣志

卷之一 地理

十四

和志在縣西北十五里耀州志山有五泉湧出
迤山一名瓦窰頭山方輿紀要在縣西南二十五
里昔周東遷以岐豐之地賜秦襄公遂有畿內
八百里東至迤山是也

浮山一名浮原通志在縣東北二十五里世傳洪
水時隱見若浮故名

高石崖通志在趙老峪北十里西爲清水峪東爲
車輻峪西北爲寇萊公河寇姓居之東北峪頭
河皆有泉湧出卽頻水也

盤龍原一統志云在荆山西北通志云在縣南卽

石川河所經也

北虜原

虜一作陸
一作鹵

在縣東北十里其下為北虜

今名軍寨即宋張浚與金人戰處

中華原一名石婆原一統志在縣南三十里其高

處曰華原頭即後周置中華郡處又由賀蘭觀

東至高堂村為羊蹄原以狀如羊蹄故名

八公塹一名八公原寰宇記在縣東南二十五里

府志在縣東南四十里兩畔小谷象八字中有

堆象公字因以為名即賀師範與金人戰處

黃金塹一統志在縣北二十里即通關以西雷村

富平縣志

卷之一

地理

十五

以東山也山之東為黃金阜即土山之隆起者

萬戶塹一統志在縣西三十里

漆沮水長安志在縣西北四十五里自耀州流入

又南入臨潼界水經注沮水歷土門南原下又

東逕懷德城南又東逕漢上皇陵北東注鄭渠

分為二水其一水東南出即濁水也

按禹貢錐指濁水至

三原縣界散絕白渠亦不入富平境
縣所恃以溉田者惟石川水而已

至白渠與

澤泉合俗謂之柒水而謂之柒沮水

按漆本作柒古柒字

也澤泉水自鄭渠合沮水又直絕注濁
水至白渠合焉故濁水得漆沮之名

絕白渠

東逕萬年縣其一水東出即沮水也東與澤泉

合又循鄭渠東逕當道城南按當道城在頻陽故城南又東

逕蓮勺縣故城北括地志云沮水一名石川水源出富平縣東南入櫟陽蓋卽此與濁水合流者也寰宇記漆沮水亦名石川水西北自華原界流入由西南至盤龍原澗谷水入之又東流歷荆山之陰自斷原口而南溫泉河入之方輿紀要云縣南十五里有富平堰又南五里爲龍門堰皆漆沮之支流也鄭白二渠舊自涇陽東入注焉

按禹貢錐指云漆沮水亦曰洛水出馮翊北又

富平縣志

卷之一

地理

十六

云漆沮之爲洛水語出孔安國書傳鬲駟因以洛至華陰入渭者爲漆沮之水而酈道元從之於是漆沮與洛合而爲一水矣其濁水上承雲陽大黑泉名漆沮水者乃土俗之稱而洛水之爲漆沮則先儒皆以爲然故顏師古注漢書亦用其說然沮水自櫟陽縣界合濁水分爲二水一循鄭渠而東注洛其間二百餘里實鄭國之所築漢志云沮入洛亦據既有鄭渠後言之耳自鄭渠一廢而濁水絕於三原沮水不抵富平可見此水在古時元合濁水至櫟陽入渭而不

與洛通也程大昌雍錄縣之漆沮水卽石川河
禹貢漆沮之水正當其地確不可易

又按詩大雅自土沮漆傳曰沮水漆水也周頌
猗與漆沮傳曰漆沮岐周二水也此皆謂扶風
之漆水地理志漆水出扶風漆縣禹貢錐指亦
云扶風有二漆水而沮則無聞酈道元曰周太
王去邠渡漆踰梁山至岐下故詩曰民之初生
自土沮漆又曰率西水滸至于岐下以諸說按
之其爲非縣治之漆沮水明矣 禹貢錐指云

關中八川不數漆沮或因疑其小於灃涇諸水

富平縣志

卷之一

地理

十七

不知八川名出上林賦其辭曰終始灞澹出入
涇渭豐鎬潦滃紆餘委蛇經營乎其內此特舉
與上林地相纏絡者言之故西不及泝雍東不
及沮洛非以漆沮爲小而畧之也

澤泉水

卽澤多泉

方輿紀要在縣西十三里東流入漆

沮河有灌溉之利水經注澤泉水出沮東澤中
與沮水隔原相去十五里俗謂是水爲渠水東
流逕薄昭墓南又逕懷德城北東南至鄭渠合
沮水長安志澤多泉在永潤鄉溫泉村東入薄
臺川三十里東南入漆沮河溉民田

溫泉河一統志在縣西源出中山麓隆冬不冰西
北十里爲澗頭泉流逕懷德城西澤多泉入之
爲薄臺河又流至縣北北泉入之又至竇村豐
泉入之俗謂之稻地泉又謂之南下池前令喬
履信於南崖建書院易名南湖泉水時出時涸
無常又東至南陽村北陸川入之按北陸川在縣東北十里
卽軍寨西夷也又至安頭之南入石川河
金定河府志在縣西十八里一名趙氏河卽耀州
澗谷河之下流經盤龍原入石川河

頻水府志在縣東北七十里源出頻山卽大小石

富平縣志

卷之一

地理

十八

谷二澗水晉書地理志頻陽縣在頻水之陽長
安志大石谷澗在縣北十五里小石谷澗在縣
北十里又梁邱澗在縣北五十里
按頻水微甚出山不一二里卽涸山前爲通川
一名錦川秦王翦求美田卽其地

鹵泊灘

卽鹽池澤

一名東灘一名明水灘在縣東魏書

地形志頻陽縣有鹽池唐書地理志富平縣有
鹽池澤元和志鹽池澤在縣東南二十五里周
迴二十里今涸

臧村灘在縣東北三十里歲旱其土可煮鹽謂之

西灘今涸

鹹泉在縣東二十里 時水鹹今味 可飲

白馬泉在縣東二十里卽陰村右泉東流至張北里東南與龍泉水合焉

聰明泉在龍門村唐賢分詠石碑在焉字多漫滅不可識

五龍泉在縣西北

風俗

班氏志地理載九州風土於雍州則曰其風有先王遺風好稼穡務本業富邑密邇岐豐土厚水深

富平縣志

卷之一

地理

十九

習尚淳樸惟風氣與時轉移踵事增華寔遠於古嘗見里巷徵逐之徒交游讌會靡麗相高有習與性成而靡所底止者夫物窮則變勢極必返惟在力挽侈靡躬親化導使農氓習勤於耕稼紳士殖學於党庠教民興行之風或可庶幾也

衣冠見長者及報禮具服燕見見少者俱如常婚姻重班行重本原厚其別親迎者多士宦嫁粧倍於徵儀有回徵儀者貧民娶婦石粟疋布不肫肫論徵儀也惟新婦履筵頗爲陋習歷任諭戒近亦稍止矣

喪禮服必三年始易盡哀盡禮準之五服制度葬
多廬墓

弔哭弔生哭死祭奠準之戚友誼厚薄有常
士習好讀古尚義氣質樸無浮華多結社爲文
農務地隘少沃壤農百畝者不多見婦子胼胝數
畝租逼債累終年不償水旱少逢飢寒立見
商賈縣市花布農器卽絲帛亦少各鎮市粟米酒
脯菜炭而止資生興利無長策

正月元日黎明設香火牲果盛服拜天地拜竈拜
祖考神主後拜父母兄長每族共畫數世祖考

爲一像軸子孫會拜畢合飲曰節坐

二日各親黨以麵食豚肉相饋卑多往尊

五日作紙婦持帚負雜穀袋棄周行曰送窮

元宵張燈親朋聚飲家各置燈繭麵爲之

二十日置麵餅屋宇上下曰補天地

二十三日少者作百戲若狂曰擺社福又曰過不
當婦女會坐閒遊不操工曰忌不當

二月二日用灰圍莊牆外曰衛莊

三月清明前一日寒食各拜墓燒紙錢每詣名山
泉水間是日刑牲禱豐年金鼓繖旗俱備曰遊

水亦有舉之別節者

四月四日人簪皂芽不病

五月五日簪艾食角黍避邪女作新麥食饋父母

六月六日拜墳墓亦夏祭意五更取水作麩水不

變曝物作醬不虫

七月七日婦女陳瓜果於星月下乞巧

八月十五日送月餅瓜果拜月

九月九日母家作棗糕饋女士人多有登高者

十月一日燒無錢紙祭祖考送寒衣

十一月冬至士人拜闕拜先師拜先生

富平縣志

卷之一

地理

二十一

十二月五日食五豆粥避瘟

八日肉果作粥名臘八粥是日作酒曰臘脚石凍

春此日造

二十四日祀竈用雞

除夕家各會飲曰守歲

祥異

自伏勝作五行傳班孟堅而下踵其說附以各代
證應爲五行志言妖而不言祥春秋一書亦書災
而不紀瑞豈以祥異之故其數常不相敵乎蓋陰
陽五行之氣生剋互乘有祥則必有異因其氣之

所感而證應隨之傳曰天道遠人道邇又曰人無
譽焉妖不自作可知敬天勤民在乎修德耳今取
歷代書史所載及故老傳聞者一休一咎雖小必
書以示積善迎祥省已懼災之意

殷帝乙三祀夏六月雍州地震

周惠王十三年魯莊公三十年九月庚午朔日有食
之 二十二年魯僖公五年九月戊申朔日有
食之 襄王六年秦饑晉閉之糴 靈王十九
年魯襄公二十年十月丙辰朔日有食之 二
十年魯襄公二十一年九月庚戌朔日有食之

富平縣志

卷之一

地理

二十一

十月庚辰朔日有食之

秦始皇初卽位冬雷 九年四月寒凍有死者

漢高祖元年五星聚東井 二年關中大饑米斛萬
錢人相食令民就食蜀漢 武帝元鼎元年汾
陰得鼎以聞天子以禮祠迎鼎至甘泉從上行
薦之至中山氤氳有黃雲蓋焉有麋過上自射
之因以祭云公卿大夫請尊寶鼎曰鼎至甘泉
光潤龍變承休無疆合茲中山有黃白雲降蓋
若獸爲符路弓乘矢集獲壇下報祠大饗唯受
命而帝者心知其意而合德焉鼎宜見於祖禰

藏於帝廷以合明應制曰可 二年大寒雪深
五尺三輔民人多凍死成帝建始三年夏大水
三輔霖雨三十餘日

後漢光武建武二年關中饑人相食 靈帝熹平四
年夏六月三輔螟虫爲害 中平二年七月三
輔螟虫爲害 獻帝興平元年秋七月三輔大
旱

晉惠帝元康元年七月雍州大旱隕霜疾疫 七年
七月秦雍二州隕霜殺禾大旱疾疫 懷帝永
嘉中秦雍大蝗噬草水及牛馬毛皆盡又大疾

富平縣志

卷之一

地理

二十二

疫兼饑饉 明帝大寧三年四月雍梁大旱
廢帝太和元年秦雍二州地震裂水泉湧出
孝武帝太元四年秦大饑

北魏高祖太和二年七月壬戌雍州赤風 三年七
月雍州大霜 六年七月雍州大水好妨害稼
八年四月雍州暴雨蝗 九年四月雍州隕霜
北周武帝建德二年關中大蝗

隋文帝開皇四年關中饑 六年關中旱 十四年
五月關內諸州旱八月關內大旱人饑

唐高祖武德六年關中久雨 七年秋關中旱 太

宗貞觀元年關內饑 二年京畿旱蝗太宗在苑中掇蝗祝而吞之是歲蝗不爲災 十年關內大疫 十四年白龍見於富平 高宗總章二年關中饑 咸亨元年旱及霜虫百姓饑乏關中尤甚 永隆二年七月大風害稼關中旱霜大饑 永淳元年京畿蝗關中饑五月旱六月蝗冬大疫 久視元年關中旱 中宗景龍三年冬關中饑 元宗開元二年三月富平縣有肉角羊 十六年關中久雨害稼 二十三年六月壬子京兆富平縣瑞麥生一莖五穗

天寶九年關中旱 代宗廣德元年秋好舛虫害稼關中尤甚 二年秋蝗關輔饑斗米千錢大歷十二年秋京畿大雨水害稼 德宗貞元六年關輔旱 七年關輔牛大疫 九年四月辛酉地震關輔尤甚十九年關輔饑 憲宗元和八年夏丙申富平大風拔棗木千餘株九年春關內饑 十一年十一月甲戌元陵火 文宗太和三年十一月庚子京兆上言奉先富平美原等八縣早霜損稼二千三百四十頃 六年關輔旱 八年三月定陵臺大雨震廡下地

裂二十有六步 懿宗時關中大旱 僖宗中
和二年關內大饑 四年關內大饑

宋太祖開寶八年關中饑旱甚 太宗至道二年關

西民饑 眞宗景德四年五星聚東井 大中

祥符四年陝西饑 八年陝西饑 天禧元年

陝西旱蝗蝻復生多去歲蟄者六月蝗蝻自死

四年陝西諸州大稔 仁宗明道二年陝西蝗

神宗熙寧八年陝西饑 九年夏陝西蝗八月

旱 元豐二年春陝西旱 哲宗元祐六年美

原縣麥一莖數穗 元符二年陝西大水 高

富平縣志

卷之一

地理

二十五

宗紹興十二年十二月陝西不雨五穀焦枯

金世宗大定十六年五月陝西旱蝗 章宗明昌四

年陝西大稔 衛紹王崇慶元年陝西旱 二

年大旱 宣宗貞祐四年陝西大蝗 哀宗正

大三年陝西旱

元文宗天歷元年陝西大饑人相食 二年四月奉

先耀州乾州華州及延安邠諸縣饑 順帝至

元二年陝西暴風旱 至正六年五月陝西饑

十二年閏三月丁丑陝西地震 二十八年二

月己巳陝西有飛火自華山下流入張思道營

中焚兵庫器仗六月陝西地震十月辛巳地又震

明太祖洪武二年陝西旱饑 四年陝西旱饑 成祖永樂二年九月關陝獻嘉禾 九年陝西疫十二年陝西諸縣饑疫 宣宗宣德三年陝西大旱饑 七年八月嘉禾嘉瓜出陝西 八年十二月陝西進嘉禾 九年八月陝西水 憲宗成化二十年陝西旱 二十一年關中連歲旱百姓流亡殆盡 二十二年陝西大饑 二十三年七月二十二日關中地震聲如雷山多

崩圯屋舍壞男女死者千九百餘人 孝宗宏治八年二月陝西天門開人馬百萬自下而上十一月陝西地震 十四年正月朔至望地震 世宗嘉靖二年春正月陝西地震 六年蝗飛蔽天自河南來七月陝西大旱 十年七月陝西大旱螟蠲賑有差 十七年陝西大旱 三十二年三月陝西大饑 三十四年十二月壬寅夜地震如雷城垣屋舍皆沒壓死甚衆大樹如帚樸地忽起忽仆或移數武事聞遣官祭告賑恤有差 穆宗隆慶二年二月地震四月又

震 神宗萬歷六年冬久雪 十四年大旱
十五年大疫 十六年大饑 三十四年六月
陝西地震 四十一年大有 四十四年七月
大蝗害稼 四十五年五月冰雹傷田夏旱冬
燠桃杏花 四十七年旱 熹宗天啓元年旱
饑 六年旱饑 莊烈帝崇禎元年三月二十
五日全陝天赤如血已時漸黃日始出自四月
至七月不雨八月恒雨霜殺稼 五年石川里
民生子具肉僧帽 六年陝西大饑 七年陝
西蝗大饑冬陝西地大震 八年至十二年秋

富平縣志

卷之一

地理

二十七

俱旱 十三年大旱人相食草木俱盡 十四
年三月二十三日雨土夏大熟

本朝順治二年蝗不爲災 八年豐泉水溢 十七
年大有 康熙三十年大饑轉楚豫漕米賑濟
三十一年饑疫 六十年旱疫 乾隆元年豐

泉水溢

豐泉今
名南湖

八月文廟鐘鼓自鳴十餘日乃

止邑士登

恩科者八人 三年三月雨雹成災共九十九村堡
傷稼五百九十六頃七畝 四年三月雨雹成
災共十六村堡傷稼六十頃四十畝五分 五

年閏六月雨雹不成災 十三年夏秋旱 十
七年秋禾旱災 二十七年秋禾被旱不成災
三十六年夏禾被霜不成災 四十年五月武
廟火 四十二年秋旱